

大日本史

四十三

第八十八卷 皇子列傳
 崇峻 舒明 孝徳
 天智 帝大友 天武
 聖武 光仁
 第八十九卷 皇子列傳
 桓武


庫	文	閣	内
元	三	四	和
函	五	〇	書
五	〇	〇	類
架	冊	號	

書
 一〇三四號
 一五〇冊

内閣文庫	
番號	和 10340
冊數	150(43)
函號	200 22



大日本史卷之



八世
權中納言從三位源光圀

列傳第十五

修

男權中納言從三位綱條 校

玄孫權中納言從三位治保重 校

皇子三

崇峻一子

蜂子皇子

舒明二子

校正

古人皇子

蚊屋皇子

孝德一子

有間皇子

天智三子 大縣 中縣 小縣

建皇子 中縣 小縣

川島皇子 中縣 小縣

春日宮天皇 施基

大友二子

葛野皇子 早身

與多王

天武十子

固宮天皇 草壁

大津皇子

崇道 盡敬 皇帝 舍人

長親王

穗積親王

弓削皇子

新田部親王

子廢太子道祖

高市皇子

忍壁親王

磯城皇子

皇帝舍人

聖武二子

皇太子某

安積親王

光仁五子

崇道天皇早良

稗田親王

廢太子他戶

廣根諸勝

僧開成

崇峻一皇子、妃小手子生蜂子皇子

日本紀

蜂子皇子

舒明四皇子、寶皇后生天智帝、天武帝、夫人


法提郎媛生古人皇子、蚊屋采女生蚊屋皇

子、日本紀○姓氏錄作賀

陽王、蚊屋賀陽音訓通

古人皇子、又稱古人大兄皇子、天智帝庶兄也、皇極帝時、蘇我入鹿驕僭專權、謀立古人為天皇、遣兵殺山背大兄等、天智帝與中臣鎌足、誅入鹿於朝、是日三韓使入朝、古人走還家、謂人曰、韓人殺鞍作臣、吾心痛矣、乃入臥內、杜門不出、鞍作臣即入鹿也、及帝讓位、孝德帝、孝德帝固辭、讓古人曰、大兄命先帝之子、而年又長、當居天位、古人避座、逡巡拱、手辭曰、大王既承聖詔、何煩推讓、臣願出家

入吉野、勤修佛道、言畢解佩刀投地、又命帳內各解刀、自抵法興寺、剔除髻髮、披袈裟、入吉野山、世稱吉野太子、吉野太子、據大化元年九月、古人與田口川堀、朴井椎子、笠垂、倭漢文、麻呂、秦田來津謀反、○本書註一說曰、王謀反、事未幾、垂詣天智帝、自首請罪、天智覺伏誅、帝使菟田朴室古、高麗宮知、將兵討之、斬古人父子、妃妾自經死、妃妾以下、本書註、○本甲午晦、中大兄使阿倍渠曾倍臣、佐伯部子麻呂、將兵三千、攻古人、大兄斬之、并殺其子、



有女曰倭姬王、為天智帝皇后、

日本紀

蚊屋皇子、

孝德一皇子、妃小足媛生有間皇子、

日本紀

有間皇子、性黠、齊明帝三年、佯疾浴于牟婁

温湯、歸盛稱其風土曰、纔入其地、疾自蠲消、

帝聞而喜、明年遂幸牟婁、左大臣蘇我赤兄

為留守、一日赤兄舉時政三失、以語有間、有

間欣然以為赤兄善已也、乃詣赤兄家、登樓

謀舉事、所倚夾膝無故自折、以為不祥、俱盟

而止、其夜赤兄命物部朴井鮪、率造宮丁圍

其市經第、馳使以聞、遂執有間、及其黨守大

石坂、合部藥鹽屋鮪魚、送行在舍人新田部

米麻呂從焉、皇太子面問反狀、有間答曰、天

與赤兄知、吾不知也、乃令丹比小澤國襲、絞

有間于藤白坂、

日本紀時年十九、日本紀註有間過

磐白悲傷、手結松枝作歌、後世號其松曰結

松、

萬葉集

斬鮪魚、米麻呂、流大石于上野、藥于

尾張、

日本紀○本書註曰、或本云、有間皇子與蘇我赤兄、鹽屋小代、守大石坂、合部

藥、取短籍卜謀反之事、有間皇子曰、先燔宮室、率兵五百、一日二夜、邀牟婁津、速以船師斷淡路、則事可成矣、或諫曰、謀則善矣、而無德、今皇太子年齒未及成人、願勉養其德、又曰、有間皇子與一判事謀事、所倚机脚無故折、遂遭誅戮、
 天智四皇子、○按續日本紀以施基皇子為天智帝第七子、而日本紀所載止四子、他 嬪遠智娘生建皇子、宮人色夫古娘生川島皇子、越道君伊羅都賣生春日宮天皇施基宅子娘生帝大友、日本紀
 建皇子生而啞、齊明帝以其性順鍾愛之、帝四年五月薨、時年八歲、殯於今城谷上、齊明

帝悲傷、詔羣臣曰、朕萬歲千秋之後、合葬山陵、乃作歌三首、時時唱之、是歲冬在紀溫湯、又追憶建、口號三首、詔秦大藏萬里曰、傳斯歌、勿忘於世、日本紀
 川島皇子、○川或作河 天武帝九年、奉詔與忍壁親王及諸臣、撰帝紀并上古事、十三年授淨大參、○姓氏錄稱淨廣壹川島王、然本書淨大參據此、淨廣壹蓋贈位也、 朱鳥元年益封百戶、持統帝五年、又益封百戶、通前五百戶、是歲九月薨、

川島皇子傳

日本時年三十五、川島資性、温裕、度量弘雅、

與大津皇子為莫逆交、大津謀反、川島首告、

變、大津遂伏誅、朝廷嘉其忠、懷風藻

春日宮天皇、名施基、○本書或作芝基、續日本紀志紀、或志貴、音讀

通、朱鳥元年、加封二百戶、持統帝三年、拜撰

善言司、日本紀文武朝為親王、敘四品、大寶三

年、賜近江鐵穴、慶雲元年、益封百戶、和銅元

年、敘三品、七年、益封二百戶、靈龜元年、進二

品、二年、八月薨、續日本紀葬于田原、延喜式有六子、

曰海上王、春日王、壹志王、皇胤紹運錄湯原王、榎

井王、公卿補任、皇胤紹運錄白壁王、稱德帝崩、白壁王

入繼大統、是為光仁帝、尊親王曰春日宮天

皇、續日本紀墓列山陵、延喜式因號田原天皇、所生

男女悉為親王、寶龜二年、置國忌於川原寺、

夫人紀氏名椽姬、以帝所生、追尊曰皇太后、

亦置國忌、海上、神龜初授從三位、春日、天平

中位正四位下、壹志、和銅中授從五位下、續日本紀

他無所見、蓋皆未陞親王而沒也、此湯原、榎

日本書紀、按本書載三人爵位止于此、湯原、榎

井共陞親王公卿補任三女曰衣縫女王初授從

四位下陞內親王敘四品寶龜三年薨曰難

波女王陞內親王敘四品寶龜三年進三品

光仁帝幸其第明年又進二品是歲薨光仁

帝遣大納言文室大市中納言石上宅嗣弔

之曰坂合部女王陞內親王敘四品寶龜五

年光仁帝幸其第授三品九年薨續日本紀湯原

子壹志濃王性矜不拘禮法好飲善談笑仕

稱德光仁桓武三朝歷左右大舍人頭公卿補任

治部卿兼讚岐守拜參議續日本紀至大納

言兼彈正尹授正三位延曆二十四年薨時

年七十三○公卿補任拜參議條註云神龜

八年今姑敕贈從二位日本紀女弟尾張女

王入光仁帝宮皇胤紹榎井子神王公卿補任稱

德帝時授從五位下光仁帝即位進從四位

下為左大舍人頭續日本紀尚彌努摩內親

王公卿補任引延曆十年桓武帝幸其第宴

飲授女淨庭王從五位下續日本紀神王歷參議

彈正尹、中納言、大納言、敘從二位、十七年拜

右大臣、公卿補任大同元年四月薨、日本紀略時

年六十、稱吉野大臣、公卿補任敕贈正二位、日本紀略

公卿補任神王、性恭謹、少文、雖居顯貴、遂克保終

遺言辭賜鼓吹、平城帝為度僧十人、公卿補任

帝大友二皇子、十市內親王、生葛野皇子、懷風藻

某氏生與多王、皇胤紹運錄、濫觴鈔

葛野皇子、器範宏邈、風鑑秀遠、材稱棟幹、少

而好學、博涉經史、頗屬文、善書畫、位淨大肆

拜治部卿、及高市皇子薨、持統帝會百官、議

立儲貳、羣臣各挾私好、衆議紛紜、葛野進曰、

我國家神代以降、子孫相承、以襲天位、若兄

弟相及、則亂、從此興、仰論天心、焉得能測、推

之人事、聖嗣自定、誰敢間然、弓削皇子在座、

欲有所言、葛野叱之、乃止、帝嘉其一言定國

本、特授正四位下、拜式部卿、懷風藻慶雲二年

十二月薨、續日本紀時年四十五、據懷風藻持統

十七之文子曰池邊王、仕聖武帝、為從五位

上内匠頭池邊子曰淡海三船續日本紀自有傳

與多王奉帝遺命朱鳥元年奏創園城寺元亨

釋書濫觴鈔○按水鏡書大友皇子之子不載其名且為明年事

天武十皇子鷓野皇后生岡宮天皇草壁妃

大田皇女生大津皇子大江皇女生長親王

弓削皇子新田部皇女生崇道盡敬皇帝舍

人夫人五百重娘生新田部親王大麤娘生

穗積親王宮人尼子娘生高市皇子穀媛娘

生忍壁親王磯城皇子日本紀

岡宮天皇名草壁天智帝壬戌歲生于大津

宮壬申之役從天武帝於東國七年帝幸吉

野宮詔皇后及草壁高市大津川島忍壁施

基諸皇子曰朕今欲與汝曹共盟使千歲之

後無事皆對曰聖旨誠然於是草壁先進盟

曰兒等兄弟長幼并十餘王各出于異腹而

今而後無別同異俱奉天皇明詔不忘不失

相扶無忤天神地祇及天皇證之若渝此盟

身命忽亡子孫永絕五皇子以次盟如初帝



曰朕今慈愛汝曹如一母同產乃披襟抱六
 皇子曰若違此盟忽亡朕身皇后亦盟如此
 及車駕還宮六皇子拜帝于殿前九年二月
 立為皇太子攝萬機十三年授淨廣壹朱鳥
 元年帝病敕曰天下之事不問大小悉啓皇
 后及皇太子尋加封四百戶持統帝三年四
 月薨時年二十八日本紀〇年二十八據葬
 于真弓丘延喜式稱日並知皇子尊續日明年
 帝為皇太子施絕絲綿布於三寺安居僧二

百餘人日本紀〇二百皇太子娶阿閉皇女
 生文武元正二帝女吉備女王母氏闕陞內
 親王敘二品適左大臣長屋王慶雲四年四
 月詔以皇太子忌日為國忌天平寶字二年
 八月追尊曰岡宮御宇天皇續日本紀
 大津皇子壬申之變自近江直赴伊勢會帝
 十一年與聞朝政十三年授淨大貳朱鳥元
 年加封四百戶日本紀先是有新羅僧行心解
 天文卜筮相大津曰皇子骨法非人臣之相

新編本紀 卷八十八 列傳 七

久居下位、恐不全身、因勸逆謀、由是竊蓄異志、懷風藻及帝崩、遂謀反、事發覺、時持統帝臨

朝、稱制、敕捕大津及其黨八口、音檀、壹伎、博

德、中臣、臣麻呂、巨勢、大益、須、僧行心、帳內、礪

杵道、作等三十餘人、大津賜死於譯語田舍、

時年二十四、妃山邊皇女被髮、徒跣、奔赴殉

焉、見者歔歔、詔流道作於伊豆、徙行心於飛

驛伽藍、餘悉釋焉、日本紀大津容止墻岸、音辭

俊朗、自幼好學、博覽善屬文、日本紀參尚武

多力、兼善擊劍、懷風藻嘗為天智帝所鍾愛、日本紀

及壯、頗放蕩、不拘法度、然降節禮士、人多

附託、其臨刑作詩曰、金烏臨西舍、鼓聲催短

命、泉路無賓主、此夕誰家向、懷風藻○皇胤

圖並云、大津皇子有子曰粟津王、坐父事流

于備前豐原鄉、其子公連始賜豐原姓、然他

無相證、故不書、崇道盡敬皇帝、名舍人、持統帝九年授淨廣

貳、日本紀文武朝為親王、敘二品、慶雲元年加

封二百戶、和銅七年又加二百戶、養老二年

授一品、三年十月詔曰、開闢以來、法令尚矣、君臣定位、運有所屬、洎乎中古、雖有率由、綱目未彰、逮近江世、弛張悉備、至藤原朝、頗有損益、由是稽遠祖之正典、考列代之皇綱、承纂洪緒、此皇太子之任也、然年齒猶稚、未閑政道、惟夫握鳳曆而登極、御龍圖以臨機者、資輔佐之材、乃致太平、藉翼贊之功能、保運祚、况夫舍人、新田部二親王、百世松桂、本支協於昭穆、萬雉城石、維磐重乎國家、宜吐納

清直、能輔洪胤、扶植仁義、以翼幼齡、然則太平之治可期、隆泰之運應致、可不慎哉、今二親王宗室年長、在朕屬重、既有舊典、宜加寵賞、其賜一品舍人親王內舍人二人、大舍人四人、衛士三十人、益封八百戶、通前二千戶、二品新田部親王內舍人二人、大舍人四人、衛士二十人、益封五百戶、通前一千五百戶、舍人以供左右雜使、衛士以充行路防禦、於戲欽哉、以副朕意、先是舍人奉敕修日本書

紀四年五月成、上紀三十卷、系圖一卷、八月
 知太政官事、及聖武帝即位、益封五百戶、天
 平七年十一月薨、遣從三位鈴鹿王等、監護
 喪事、其儀準太政大臣、命王親男女悉會于
 葬、遣中納言多治比縣守等、就第宣詔、贈太
 政大臣、廢帝即位、追尊曰崇道、盡敬皇帝、尊
 夫人當麻山背曰太夫人、所生男女悉為親
 王、續日七子曰守部王、曰三原王、曰船王、曰
 池田王、曰三島王、曰三使王、大夫人當麻山

背生廢帝、續日本紀三島三使共無為舍人之
 文、而光仁紀載、三島王之子、與守部三原
 王之船王之子、皆復屬籍、三使王之子、與守
 王之錄亦載、舍人賜姓、據此、其為舍人之子、
 者、三島之訛、三浦者、三使之訛也、且續日本
 紀、以廢帝為舍人第七子、其數亦合、可以為
 證、紹運錄、又有出木井王、真代王、然他無相
 證、故不書、又按廢帝諸兄、續日本紀、稱親王
 者、船池田耳、如三原乃先薨、守部三島、廢帝
 紀、以後無所見、疑亦先卒乎、唯三使見存、不
 與陞秩、今二女、曰室女王、曰飛鳥田女王、守
 部王、仕聖武帝、敘從四位上、三子曰笠王、廢
 帝時、敘從四位下、為左大舍人頭、神護景雲



二年授從五位下時無位○按此曰無位下

廢帝事可知而本書不載它寶龜二年與弟

何鹿為奈共賜姓山邊真人五年為玄蕃頭

復屬籍後至正五位上大膳大夫曰何鹿王

寶龜七年與為奈共復屬籍曰為奈王○為奈本

書或作猪名謂奈音訓通從五位下三原王仕聖武孝謙

朝歷彈正尹大藏治部卿續日本紀轉中務卿敘

正三位天平勝寶四年薨續日本紀七子曰

丹波王皇胤紹慶雲中授從五位下曰和氣

王自有傳曰山口王天平寶字八年與弟長

津共坐廢帝事授姓三長真人配于丹後寶

龜二年並復屬籍後敘從五位上為大監物

曰長津王從五位下圖書頭續日本紀曰小倉王

續日本後紀延曆中為少納言續日本紀位正五

位下續日本後紀曰細川王皇胤紹天平勝寶七

年賜姓岡真人續日本紀曰石浦王皇胤紹運錄

淨王今從延曆中為少納言續日本紀○按

載皇川王諸書二女曰小家女王皇胤代要記

無所見故不取

錄○本書並作小
宅、今從續日本紀、陞內親王、天平勝寶元年

為伊勢齋要一代紀寶龜三年與中務大輔菅生

王姦、削屬籍、曰弓削女王皇胤紹適從四位

下三方王、位正五位上、延曆元年與三方及

正五位下、山上船主、厭魅乘輿、事覺、詔三方

弓削、減死、配于日向、船王自有傳、池田王、仕

聖武、孝謙朝、為彈正尹、畿內巡察使、遷刑部

卿、位正四位上、天平寶字元年、議儲貳、池田

以孝道有虧、不得立、廢帝即位、進從三位、兼

攝津大夫、明年陞親王、改授三品、為糺政尹、

五年、賜稻十萬束、七年、上表曰、臣男女五人、

其母出自凶族、臣惡其逆黨、不錄王籍、然日

月稍邁、聖澤旁流、今不為處置、則聖化之中、

恐有失所之民、伏請賜姓御長真人、永為海

內一族、詔可、及帝被廢、責以多集馬圖、不軌、

降為諸王、流土左、三島王、敘從四位上、子曰

林王、天平寶字中、敘從四位下、為木工頭、寶

龜二年、賜姓山邊真人、二女河邊王、葛王、並

從四位下、天平寶字八年配于伊豆、寶龜二年復屬籍、三使王、從四位下、大膳大夫、天平寶字四年卒、子三直王、庸取王、三宅王、二女、畝火女王、石部女王、寶龜二年、並賜姓山邊真人、室女王、初敘從四位下、天平寶字三年陞內親王、授四品、是歲薨、飛鳥田女王、初敘從四位下、亦陞內親王、授四品、尋賜稻四萬束、寶龜四年、復本位、從四位下、延曆元年卒、
續日本紀○按本書天平寶字三年六月書授室王飛鳥田王四品十一月書室內親王

薨、一品舍人親王之女也、飛鳥田皇族親疎、他無所考、然五年十月書飛鳥田內親王、據此蓋亦舍人女也、而坐廢帝事、及復屬籍、本書無所見、然今日復本位、則其為脫漏明矣、長親王、持統帝七年授淨廣貳、日本紀文武朝為親王、敘二品、慶雲元年益封二百戶、和銅七年加二百戶、靈龜元年六月薨、○本書本條書一品、其子女薨卒下、或書二品、續日本後紀或一品、或二品、公卿補任、一代要記一品、未知孰是、子曰栗栖王、從三位中務卿、天平勝寶五年薨、曰文屋淨三、曰文屋大市、並自有傳、女曰廣瀨女王、敘從三位、天平神護元年薨、續日本紀

本紀○按本書以大市為第七子、據此長
之子、不止于此、皇胤紹運錄所載亦未詳、

穗積親王、持統帝五年益封五百戶、時位淨

廣貳、日本紀文武朝為親王、敘二品、慶雲元年

益封二百戶、二年知太政官事、明年敕年祿

準右大臣、靈龜元年授一品、七月薨、續日本紀

弓削皇子、持統帝七年授淨廣貳、日本紀文武

帝三年七月薨、續日本紀

新田部親王、文武帝四年授淨廣貳、後為親

王、敘二品、慶雲元年加封百戶、和銅七年益

封二百戶、養老三年、與舍人親王奉詔輔佐

皇太子、賜內舍人二人、大舍人四人、衛士二

十人、益封五百戶、通前一千五百戶、四年知

五衛及授刀舍人事、聖武帝即位、進一品、天

平三年、為畿內大總管、七年九月薨、使舍人

親王就第弔之、十月詔親王薨者、每七日供

齋、以僧一百人為限、七七齋訖、停之、自今以

後、立為例、二子道祖王、氷上鹽燒、續日本紀鹽燒

自有傳、

道祖王、天平中敘從四位上、爲散位頭、中務卿、天平勝寶八年五月、聖武帝遺詔孝謙帝、以道祖爲皇太子、居喪無禮、明年三月廢、賜王爵令歸第、七月橘奈良麻呂謀廢立、道祖與其謀、事發覺、遣兵捕之、更名麻度比、有司

拷掠杖下死、

續日本紀

高市皇子、當帝舉兵、高市在近江、帝遣大分惠尺召之、高市即踰鹿深、來會于積殖山口、奉命至、不破關、屯于和整、以監軍事、會近江


驛使韋那磐、歛書藥、忍坂大麻呂、赴東國徵兵、高市設伏、捕獲藥、大麻呂聞帝入桑名、馳使曰、今遠離軍不便、帝乃赴不破、高市迎於野上、帝謂高市曰、近江朝左右大臣以下、多智謀之臣、今朕無與計事者、惟有幼孺子耳、爲之如何、高市攘臂按劍曰、近江羣臣雖多、何敢抗天皇之靈、天皇雖獨、臣高市賴神祇之靈、奉天皇之命、率諸將而征討、豈有距乎、帝褒之、執手撫背曰、慎之勿怠、因賜鞍馬、悉

委軍事、高市還和斃、及事平、奉命宣近江羣臣罪、斬流有差、十三年授淨廣貳、朱鳥元年加封四百戶、持統帝四年七月為太政大臣、十月高市率公卿百寮相藤原宮地、五年增封二千戶、六年再增封二千戶、通前五千戶、七年授淨廣壹、十年七月薨、日本紀○按本書書後皇子尊薨、釋日本紀曰、高市皇子也、今據之、二子曰長屋王、公卿補任、皇胤紹運自有傳、曰鈴鹿王、二女曰河内女王、曰山形女王、鈴鹿王仕元明元正聖武三朝、累官

大藏卿參議、天平九年知太政官事、尋兼式部卿、位從二位、十七年九月薨、有五子、曰豐野出雲、仕聖武孝謙廢帝光仁四朝、天平寶字元年、與弟篠原尾張、奄智、猪名部、賜姓豐野真人、為北陸道觀察使、右中辨、神護景雲二年、上奏曰、佐渡國造國分寺料稻一萬束、每年支在越後、常當農月、差民運漕、海路風波、動經數月、至有漂沒、復徵運脚、請割本國田租、以充用度、制可、尋兼土左守、寶龜中任

太宰大貳位從四位下八年卒曰豐野篠原
仕孝謙廢帝朝敘從五位下歷外衛中將彈
正弼曰豐野尾張亦仕孝謙廢帝朝敘正五
位下歷糺政弼能登守曰豐野奄智仕孝謙
廢帝光仁桓武四朝歷右中辨中務大輔位
從四位下延曆三年卒曰豐野五十戶初名
猪名部仕稱德帝從五位上出雲介○按本
寶字元年書從五位下出雲王篠原王尾張
王無位奄智王猪名部王賜姓豐野真人不
曰鈴鹿王之子而寶龜元年書授豐野真人
出雲從四位下豐野真人奄智正五位下豐

野真人五十戶從五位上以其父鈴鹿王舊
宅為山陵故也且木書載篠原尾張履歷止
于神護景雲年參錯而觀蓋二人共卒河內
不與此恩敘耳其為鈴鹿子不容疑矣
女王敘正三位寶龜十年薨山形女王亦敘
正三位天平十七年薨續日本紀
忍壁親王○忍壁續日本紀或壬申之役從
帝入東國九年奉詔撰帝紀及上古事十三
年授淨大參朱鳥元年加封百戶日本文武
帝四年敕與藤原不比等撰定律令後為親
王敘三品大寶三年知大政官事慶雲元年



益封二百戶、二年賜越前野一百町、五月薨、
 予曰山前王、任文武元明元正三朝、從四位
 下、續日刑部卿、懷藻、風、養老七年卒、女曰小長
 谷女王、尚膳從三位、山前王子曰茅原王、為
 人凶惡、喜遊酒肆、天平寶字中、與御使麻呂
 博飲、忽發醜刺麻呂、屠其股肉、置胸上而膾
 之、其餘罪狀明白、有司奏劾、廢帝以宗室故、
 不忍置法、削王爵、賜姓龍田真人、與子女流
 于多禰島、女曰池原女王、初冒母家姓、稱栗

前枝女、寶龜十一年、敕改今名、賜王爵、授從

五位下、續日

磯城皇子、朱鳥元年、加封二百戶、日本紀

聖武二皇子、藤原皇后生皇太子某、夫人縣

犬養廣刀自生安積親王、續日

皇太子某、○皇胤紹運錄、一代要記作基王、

親王、按基蓋某字訛、而舊史又神龜四年間

九月生、帝御中宮、大赦天下、賜百官物、及天

下民與皇子同日生者、布一端、綿二屯、稻二

十束十一月太政官及八省上表奉賀獻弄
玩物乃宴文武百寮已下至使部於朝堂賜
五位已上綿其累世家嫡子身帶五位已上
者別加絕十匹詔立皇子為皇太子僧尼等
九十人上表奉賀施物有差明年八月皇太
子病敕造觀世音像一百七十七軀寫經一
百七十七卷大赦天下奉幣帛於諸陵禳之
九月薨年二歲帝大悼惜廢朝三日葬于那
富山不具喪禮以其早夭也但在京官人以

下及畿内百姓素服三日諸國郡司各於當
郡舉哀三日命擇智行僧九人廬冢側薦福

焉續日
本紀

安積親王

○皇胤紹運錄別載淺香皇子按
安積淺香音訓相同為二人者誤

天平十六年閏正月從幸難波宮途患脚病
自櫻井頓宮還而薨年十七遣從四位下太

市王紀飯麻呂等監護喪事

續日
本紀

光仁六皇子井上皇后生廢太子他戶贈皇
太后高野氏生桓武帝崇道天皇早良續日
本紀

尾張女王生稗田親王

皇胤紹運錄

宮人縣

大養男耳生廣根諸勝

錄姓氏

僧開成失母氏

勝尾山流記
元亨釋書

崇道天皇名早良初為親王天應元年四月

桓武帝即位立為皇太子

續日本紀○按景代要記曰神護景

雲二年出家年十一住東大寺寶龜元年賜親王號天應元年立為皇太子年三十一皇

胤紹運錄亦云天應元年為太子年三十二然其為僧及為親王本書並無所見且景雲

二年十一歲則至天應元年當二帝常好遊十四而云三十二亦不合故不取

幸委政太子太子以佐伯今毛人為參議中

納言藤原種繼奏曰佐伯氏自古無任參議

者恐不可帝即奪參議授從三位太子憾之

請殺種繼帝不聽自是漸疎太子而不委政

太子愈恨焉水鏡延曆四年八月帝幸平城宮

使右大臣藤原是公種繼等輔太子留守九

月太子與左少辨大伴繼人及大伴竹良東

宮少進佐伯高成等謀使人射殺種繼帝大

驚車駕急還搜捕繼人竹良等及射者誅之

流其黨與廢太子幽于乙訓寺

續日本紀參取日本紀略

太子絕食十餘日不死遣宮内卿石川垣守
 等流太子于淡路到高瀨橋而氣絕載屍葬
 之淡路日本紀略○按水鏡曰薨于山
 九年碕一代要記曰薨于海上恐誤
 敕置守冢一戶國類聚十一年皇太子久病下
 之廢太子為崇乃遣諸陵頭諸使王等謝之
日本紀略敕曰嚮令淡路國為廢太子置守冢一
 戶隨近郡司專當其事而所司不戒致令有
 崇自今以後冢下置隍勿使濫穢日本紀略
 廢太子沒後人多疫死水鏡帝懼遣僧於淡路

讀經修福日本紀略使人迎其遺骸使者溺於海
 者再十七年復遣廢太子甥參議五百枝王
 懇祈得至淡路迎之而歸敕藏于大和八島
水鏡十九年七月詔追號曰崇道天皇墓稱山
 陵日本紀略更益淡路津名郡民二烟守冢
 帝違豫創靈安寺於淡路造小倉貯稻三十
 束以調庸綿各百五十斤充薦其山陵國類聚
 又令諸國建小倉納正稅三十束列于國忌
 奉幣日本紀略先是下詔盡赦還其黨與被

大日本書紀 卷之卅 列傳 三十四

貶謫者、臨崩敕無論存亡、一復本位、日本略命

諸國國分寺、每春秋二仲月、讀金剛般若經

各一七日、以安其靈、類聚國史、日本紀略及平城帝即

位、又營八島寺於山階、割諸國正稅上分供

獻、水鏡貞觀五年、敕修御靈會於神泉苑、禳疫

疾、崇道天皇為第一座、三代實錄後世造社祭之、

所謂八所御靈之一也、帝王編

稗田親王、○水鏡為寶龜六年、敘四品、天應

元年、進三品、十二月薨、年三十一、續日本紀子曰

高橋王、三代實錄○按皇胤紹官至正四位

下宮內卿、文德實錄曰葛野王、敘從四位下、日本紀

廢太子他戶、初為親王、寶龜二年正月立為

皇太子、大赦天下、續日本紀他戶為帝第四子、以

皇后所生、年十一超諸兄、立為東宮、水鏡○

皇紀以崇道天皇為三年五月、先是皇后淫

縱、謀弑帝立太子、坐而見廢、皇后謀弑至是

詔廢太子為庶人、明年幽后及他戶于大和

宇智郡、沒官之宅、六年四月卒、續日本紀○

年二月或奏曰他戶親王猶存帝欲復立為東宮遣使見之藤原百川呂使者言曰汝莫以實奏國自此亂矣若以實則我殺汝無赦使者往見他戶無恙然怖百川還奏曰實非親王他人詭稱耳他戶乳母侍人與使者固爭使者誓曰若我有偽則兩目脫出矣百川命更逐他戶使者後果目出然本書六年命已書卒其說不足取信故附于此

廣根諸勝敘正六位上延曆六年賜姓廣根朝臣錄姓氏貫左京三條一代要記嵯峨帝朝為攝津介帝嘗獵水生野攝津獻物詔授國司位

陞諸勝為從五位上國類聚史改貫一條一坊一代

要記

僧開成初名某桓武帝庶兄也

元亨釋書○按皇胤紹運

錄拾遺往生傳為桓武帝子今考其卒年實在天應元年歲五十八而是時桓武歲四十五則其為桓

武兄無疑帝微時嘗幸賤妾生焉世無知者勝尾山流記○按本書為帝在東宮時所

生勝尾山流記○按本書為帝在東宮時所及長聰慧諳誦外典天平神護元

今訂誤矣故年正月潛登攝津勝尾山為僧名開成住桂

洞師事僧善仲善筭勝尾山流記後伐桂樹

構草堂帝施攝津豐島郡稻一千束以充經

費命曰彌勒寺寶龜六年給島下郡水田六

十町、天應元年十月卒、年五十八、延曆元年
 十月、敕為開成修法華八講、著為恒例、清和
 帝嘗幸寺、改賜額勝尾寺、勝尾山
 大日本史卷之八十八終

大日本史卷之八十九

大田縣王

列傳第十六

權中納言從三位源光圀 修
 男權中納言從三位綱條 校
 玄孫權中納言從三位治保重 校
 皇子四 和麻呂 賀陽 武王 大德 親王
 桓武十三子 生 少子 皇孫 親王
 伊豫親王 子 貞王 野野 親王
 葛原親王

萬多親王

子忠貞王

賀陽親王

明日香親王

皇千佐味親王

大德親王

仲野親王

葛井親王

大田親王

大日本親王

長岡岡成

良岑安世

桓武十六皇子

帝贈皇太后生淳和帝

生伊豫親王

佐味親王

賀陽親王

大德親王

若子生明日香親王

皇紀略

日本紀略

文德實錄

日本紀略

大德親王

仲野親王

葛井親王

大田親王

大日本親王

長岡岡成

良岑安世

桓武十六皇子

帝贈皇太后生淳和帝

生伊豫親王

佐味親王

賀陽親王

大德親王

若子生明日香親王

宮人藤原河子生仲野親王

實錄

紀

井親王

文德實錄

百濟教仁生大田親王

皇胤一

代要記

帝河上好生坂本親王

要記女孺多

治比豐繼生長岡岡成

姓氏百濟永繼生良

岑安世

姓氏錄

王賀則縣王大野縣王

伊豫親王延曆十五年聽帶劔

日本紀略既而敘

四品

公卿補任

進三品歷式部卿中務卿

類聚

國史

日略伊豫善管絃

水鏡帝頗寵之嘗秋月因

獵過其山莊置酒飲宴日暮帝思聞鹿鳴作

歌偶有鹿鳴帝欣然令羣臣和之後屢幸焉

類聚國史

日本紀略大同二年十月藤原宗成勸伊豫

潛謀不軌伊豫拒之不從而猶未以聞伊豫

舅大納言藤原雄友告之右大臣藤原內麻

呂伊豫大懼遠奏宗成勸反狀即繫宗成於

左衛士府按驗之宗成引款曰首謀反逆者

親王也

日本紀略

左近衛中將安倍兄雄固保其

無罪帝不聽

公卿補任

遂遣兄雄及左兵衛督巨

勢野足等率兵圍伊豫第十一月詔削親王

號與母夫人藤原吉子共徙之於河原寺幽

諸一室不通飲食日本紀略流斥雄友宗成及其

黨與公卿補任宗成伊豫及夫人仰藥而死

時人哀之日本紀略弘仁元年嵯峨帝有疾為

伊豫度一十僧為藤原夫人二十僧以禳之

類聚國史十年詔復親王號日本紀略淳和帝即

位命僧空海僧戴榮等於橘寺講佛經捨田

及道場支具以薦其冥福性靈集承和六年九

月仁明帝遣中使就墓宣詔曰贈二品伊豫

親王○按贈二品年早捐柩館長掩泉臺悼

福祿之不融悲倚伏之難測雖既追榮於前

詔逾欲增飾於當年宜贈榮班以賁幽窀可

贈一品續日本紀貞觀五年修御靈會於神泉

苑伊豫及夫人預焉三代實錄子曰繼枝王高枝

王○據文德實錄大同初親王遭害三子遠

考又高枝王者伊豫親王第二子也公卿補任並

紀又云繼枝者其第二子也考之類聚國史

三年其後於繼枝者十四年高枝敘位在長

下續日本後紀高枝及父被罪與兄弟俱遠

配流離軼軻無復生計嵯峨帝卽位哀父無辜赦諸子還京師悉返賜所沒父資財田宅高枝乃與兄弟相議均分男女時人稱之天長三年敘從四位下爲因幡守累官宮內卿至從三位高枝爲人寬弘頗習文書學書於僧空海受琴於真熊家素不蓄財產及薨遺言薄葬文德實錄葛原親王幼而穎悟及長恭儉不傲於物歷覽史傳常以古今成敗自戒文德實錄延曆十七

年與淳和帝同加冠於禁中日本紀略二十二年

授四品任治部卿大同元年遷大藏卿三年

爲彈正尹四年進三品弘仁元年爲式部卿

三年兼太宰帥七年敘二品文德實錄十四年任

中務卿復爲彈正尹天長二年上表請子女

皆罷其王號賜姓平朝臣不許頻請乃許之

日本紀略七年兼常陸太守復爲式部卿八年進

一品文德實錄承和二年賜甲斐巨麻郡馬相野

空間地五百町續日本紀五年兼上野太守續日本紀

本後紀、文十年以老病上表辭職不許續日本後

紀 十一年復兼常陸太守嘉祥三年復為太

宰帥仁壽三年六月薨年六十八遺令薄葬

辭監護喪事葛原久在式部閑習職務凡在

舊典莫不達練舉朝重之敕賜輦車入宮儀

異諸親王實錄子平高棟自有傳次善棟從

四位下國類聚次高見王高見子曰高望王寬

平元年賜姓平朝臣為上總介皇胤紹運錄

寬平元年據盛衰記長門源平盛衰記

萬多親王曆按日本紀略萬多初名茨田延

田聚鈔河內茨田郡注萬多萬多茨延曆十

四年賜周防田百町山八百町日本紀略大同中

敘四品為中務卿國類聚弘仁六年先是嵯峨

帝憂天下氏族濫雜尊卑混淆詔右大臣藤

原園人參議藤原緒嗣等甄別之以萬多尤

精譜學命考定之至是書成凡一千一百八

十二氏按一代要記作并目三十一卷名

曰新撰姓氏錄詣闕上表上之新撰姓氏錄

序按日本

紀略一代要八年敘三品類聚十年與緒嗣

等奏請據舊記判定前書許之淳和帝即位

為式部卿天長五年兼太宰帥七年四月進

二品其月薨年四十三詔贈一品日本子曰

正躬王正行王雄風王○按文德實錄正行

四子公卿補任以正躬為正躬自有傳正行

與兄正躬受業大學性好文章愛酒兼嗜鷹

馬及嵯峨帝遜位詔直嵯峨院天長十年授

從四位下為侍從仁明帝甚寵遇之承和中

兼越中守遷左馬頭敘從四位上轉左京大

夫仁壽天安間除加賀守任彈正大弼兼美

作權守至正四位下文德子曰高蹈王高居

王高平王並賜姓平朝臣三代雄風為人沈

敏而寬裕進退閑雅弱冠入學文德帝在東

宮引侍左右頗習鷹馬踐阼之日授從四位

下除左馬頭仍給事殿中益被親寵齊衡中

卒於官帝甚愍悼焉文德子定相王有相王

並賜姓平朝臣三代

賀陽親王弘仁中授四品為刑部卿淳和帝
 即位遷治部卿天長中為中務卿日本紀略授三
 品承和七年為太宰帥尋復為治部卿嘉祥
 三年遷彈正尹齊衡中敘二品天安二年敕
 賜帶劔文德實錄貞觀初兼常陸大守復為治部
 卿常陸大守如故敕於東大寺設無遮大會
 供養大佛像遣賀陽監之五年上表請致仕
 優詔不許九年為上野大守治部卿如故十
 三年為太宰帥抗表辭治部卿十月薨三代實錄

年七十八帝王年記編賀陽有意匠巧製造嘗創
 京極寺于京師會大旱鴨河水竭寺田殆涸
 賀陽彫木童子長可四尺兩手捧器設機巧
 置田中盛水器中水上灑童顏人爭灌之寺
 田得不焦枯今昔物語子道野王利基王忠貞王
 ○按文德實錄三代實錄並書第一子道野
 王三代實錄云第六子利基王而忠貞王次
 序不載據此則親王子蓋不止於此又按三
 代實錄貞觀十五年書左京人幸身王時身
 王賜姓平朝臣賀陽親王後道野承和三年
 也而不書其父祖今無所考道野承和三年
 任武藏守仁壽中授從四位上道野好酒色

愛絲竹、然性謹厚、未曾傲慢於物焉。文德利實錄

基少年入學、頗涉史漢、承和未舉文章生、嘉

祥三年授從四位下、貞觀中為侍從、授從四

位上、歷下野權守、男潔行王、元慶中賜姓平

朝臣。三代實錄

忠貞王、天安二年授從四位下。文德實錄、貞公卿補任

觀中為大學頭、遷中務大輔、歷彈正大弼、攝

津河內大和播磨等守、元慶三年拜參議、公卿

補任檢校大和班田、累兼宮內刑部卿、美濃近

江守、卒於官。三代實錄忠貞容貌甚醜、而志尚高

遠、幼而就學、粗通五經、出歷任諸州、威惠兼

舉、民不敢欺、庠序之風、所在日興、能吏之化、

與橘良基見同稱、聲譽之美、為宗室之最。公卿

補任明日香親王、弘仁二年授四品、為彈正尹、日本

紀略九年上表乞除親王號、下同諸臣、不許、再

上表祈所生男女賜朝臣姓、帝嘉其請、賜子

女四人、姓久賀朝臣、爾後孫王賜姓、皆效之、

日本紀略續日本後紀

十二年授三品、天長八年為上

野太守、

日本紀略

承和元年二月薨、明日香天資

儉朴、不尚浮華、弘仁中世趨奢麗、朝貴衣服

華鮮、唯明日香獨無所競、夏日猶澣朝服者

再三時或賣駿馬、以克費用、及薨朝廷哀悼

焉、

續日本後紀○按本書上表文、明日香有子男、而諸書不載其名、今無所考、

佐味親王、容儀閑雅、頗好色、弘仁三年授四

品、

日本後紀略

八年任彈正尹、淳和帝即位、為

中務卿、天長二年閏七月薨、年三十三、

日本紀略

○按皇胤紹運錄、作年三十二、

大德親王、

○皇胤系圖、皇胤紹運錄、一代要記、大德作大野、今從日本紀略、

延曆二十二年十月薨、年六歲、

日本紀略

仲野親王、幼辨慧、性寬裕、

三代實錄

延曆二十四

年賜安藝賀茂郡地五十町、又賜河內交野

郡白田二町、

日本後紀

弘仁五年敘四品、

三代實錄、日本

日本紀略、天長四年為中務卿、

日本紀略

七年任太宰帥、

三代實錄、十年陞三品、

三代實錄、仁明朝任

上總太守、拜彈正尹、為上野太守、授二品、

日本紀略、

本後紀、三轉式部卿、文德實錄、仁壽三年兼

常陸太守、貞觀初復兼上總太守、詔許放鷹

於河內攝津禁野之外、五年再為太宰帥、聽

乘輦車出入宮中、敕許養鷹三聯鷄一聯仲

野嘗學奏壽宣命之式於左大臣藤原緒嗣、

吐納儀容足為世模範、當時在公宰知其儀、

清和帝敕參議官就學焉、九年正月薨、年七

十六、及宇多帝踐阼、以外祖贈一品太政大

臣、三代實錄子茂世、當世、基世、輔世、潔世、實世、十

世、在世、康世、惟世、利世、胤世、秀世、房世、三代按

實錄清和紀、親王有男十四人、茂世當世、基

世輔世、潔世、實世、十世、在世、康世、九人、爵為

四位、惟世、利世、並為五位、而茂世至康世所

見止九人、加惟世、利世、十一人、光孝紀有胤

世王、云親王之、蓋清和紀所漏也、皇胤紹

運錄、歷舉茂世、已下、外載季世、秀世、房世、一

代要記、亦載之、然脫胤世、加季世、疑訛矣、秀

世房世、舊史雖不見、為仲野子之明文、粗有

事跡、其命名可以類推、况自茂世至房世、十

四人、其數實合、本書所舉目乎、故從要記、紹

運錄、所載、列秀世、茂世、歷從四位上、彈正大

弼、太宰大貳、終刑部卿、兼加賀守、子好風、貞

文、並以父請、賜姓平朝臣、

○按尊卑分脈、以

貞文為好風子、恐

大日本書紀

誤好風任太宰少貳三代實錄歷從四位下右近
衛中將當世天稟羸弱惡冒風雨性雖好鷹
犬不敢出遊終從四位下文德實錄基世從四位
下下總守山城權守輔世累進從四位上民
部太輔左京大夫終伊豫守子安典王仁和
中賜姓平朝臣潔世舉文章生歷從四位上
大學頭民部太輔子遂良王元慶中賜姓平
朝臣歷木工允光孝帝嘗召於左仗下試書
實世元慶初歷大學頭攝津守六年詔實世

及其子景行秋雪申如廉往並賜姓平朝臣
其女子前生帶王號後產從平氏實世後至
從四位上十世歷中務大輔三代實錄宮內卿任
參議兼播磨守至從三位公卿補任在世從四位
下齋宮頭相模守三代實錄據皇胤紹運錄守世從
四位上河內守皇胤紹運錄惟世與利世同賜姓
平朝臣三代實錄歷從四位上大舍人頭利世備
後守皇胤紹運錄胤世子揚雄王嘗犯罪流于安
房仁和元年自脫逃亡太政官下符諸國索

大日本書紀 卷八十九 小傳 十一

之不獲秀世從四位上美作守三代實錄房世仁

壽天安間累官中務大輔武藏越中權守文德

實錄貞觀初為越中權守授從四位上五年上

表請與諸族同賜姓平朝臣許之三代實錄歷彈

正大弼終正四位下因幡守三代實錄仲野

女宣子女王班子女王宣子天長中為伊勢

齋類聚國史元慶四年賜姓源朝臣班子入光孝

宮生字多帝三代實錄

葛井親王幼而警悟年六歲敕賜帶劔弘仁

十年敘四品拜兵部卿天長三年為上野太

守文德實錄承和中為常陸太守續日本後紀八

年進三品葛井善射有外祖坂上田村麻呂

之風嗟峨帝嘗御豐樂院觀射禮畢敕諸親

王及羣臣各以次射葛井時年十二帝戲謂

曰弟雖少弱當執弓矢葛井應詔而起再發

再中時田村麻呂侍座喜甚起座抱葛井而

舞進奏曰臣嘗將數十萬眾征討東夷實賴

天威所向無敵自料勇略兵術多所不完今

親王年在韶齒、武伎如此、非臣所及也、帝突
 曰、將軍褒揚外孫、何甚過多、嘉祥三年正月
 為太宰帥、○正月、據續日本後紀四月薨、年五十一、葛
 井素耽聲樂、晚年益縱飲、譙支體羸、憊竟至
 於成疾、文德實錄子基兄王、棟氏王、○按文德實錄、葛井有子
二十餘人、而三代實錄基兄、累官民部大輔
所載止此、餘無所考安藝守彈正大弼、終大藏卿、續日本後紀棟
 氏從四位下、三代實錄
 大田親王、延曆十八年賜攝津荒田五十七

町、日本後紀大同三年三月薨、日本紀略年十六、
一代要記王、編年記帝
 坂本親王、大同四年賜長岡京地四町、日本後紀
 弘仁二年授四品、尋為治部卿、類聚國史九年十
 一月薨、年二十六、日本紀略
 長岡岡成、延曆六年賜姓長岡朝臣、續日本紀貫
 乎右京、姓氏祿一弘仁六年改貫左京、一代要記
皇胤紹運錄、天長十年授從四位上、嘉祥元年十
 二月卒、續日本後紀

良岑安世、少好鷹犬、善騎射、多伎藝、稍長始
 讀孝經、釋卷而歎曰、名教之極、其在茲乎、乃
 潛志於學術、公卿補任延曆二十六年賜姓良岑
 朝臣、貫于右京、姓氏錄、公卿補任大同四年為右近
 衛少將、以能書解音樂兼雅樂頭、弘仁中累
 官藏人頭兼左衛門佐、但馬守、進從四位下、
 任左衛門督、遷左京大夫、改貫左京、七年為
 右大辨、兼美作守、拜參議、兼近江守、公卿補任十
 年奉敕、與大納言藤原冬嗣、中納言藤原緒

嗣、監修日本後紀、日本後紀序、類聚國史、尋轉左大辨、

十二年進從三位、拜中納言、兼陸奥出羽按

察使、公卿補任又與冬嗣及藤原三守等奉詔撰

內裏式、內裏式序明年兼春宮大夫、公卿補任十二月

奏、謹按太政官去弘仁三年八月五日符傳、

自今以後、銓擬郡司、一依國宰、若選非其人、

政績無驗、則署帳之官、咸解見任、永不敘用、

以懲將來者、知人之難、古人猶病諸吏、非其

人、何無謬舉、若據行此格、自陷刑罰、懼罪不

選徒失人功望請先申初擬歷試雜務得可
 底績銓擬言上仍於所司計會功過始預見
 任然則國宰免濫選之責郡司絕僥倖之望
 但先盡譜第後及藝業須依前詔臣等商量
 以聞伏聽天裁奏可類聚三十四年進正三
 位兼右近衛大將公卿補任檢非違使別當據類聚
代格安世天長三年奏而紀年闕今無所考天長元年又奏令國
 守者古所謂刺史也當任之人不可多得伏
 望令一良守兼帶數國小大之政從其所請

一二僚屬亦依請任之夫祿不厚則人不勸
 人不勸則治不立請其公解攝國之中擇其
 殷阜地以二守祿并給之法宜試於一國明
 知治否然後令兼之三年奏河內前年水旱
 相仍百姓凋弊或合門流離或絕戶死亡民
 俗由是長衰郡吏以之逃散所以頃年以諸
 司主典任用郡司至有闕怠必加刑罰雖各
 據時格以望爵級而不忍彼耻遂致逃遁凡
 決罰郡司法家不聽格式無有伏請主典以

大日本史 卷八十九 列傳 十七

上被補郡司若有罪過依法令贖然則不去其職必致經遠之圖自餘郡司不改前例者奏可後遂下諸國為法類聚三七月藤原冬嗣薨以其異父兄稱病不朝淳和帝屢遣中使敦喻起之五年轉大納言大將如故七年七月薨年四十六公卿補任詔贈從二位續日本後紀三代實錄○按公卿補任作正二位者誤嵯峨太上皇為製挽歌二篇日本後紀纂安世有文藻嘗奉淳和帝詔與東宮學士滋野貞主撰經國集二十卷

日本後紀敕收其詩其餘凌雲集文華秀麗所載日本後紀行于世子木連長松宗貞清風晨直○按日本後紀紀木連為第一子三代實錄清風第三子而長松不書第幾僧綱補任宗貞為第八子皇胤紹運錄第一子今推其卒年定其次序晨直三代實錄粗載事迹而不書為安世之子今從皇胤紹運錄列于此按紹運錄載安世子恒成云見古今和歌集賀部然檢古今集不書為安世子據僧綱補任之文安世子蓋不止於此文德實錄三代實錄並載良岑經世疑安世子也然長松承和初為常陸權他無所見故不取

大使藤原常嗣等如唐及歸遭逆風漂泊南


大日本史 卷八十九 列傳 十七

海、殆死、與醫生菅原梶成、僅免得歸、尋敘從五位下、參取續日本後紀、文德實錄、三代實錄、為侍從、歷諸陵頭宮內大輔、武藏守、山城權守、至從四位上、清風承和、貞觀間累至從四位下、美作守、近江權守、晨直、貞觀元慶間累至從五位上、丹波守、三代實錄、子眾樹、元慶延喜間累官內外、公卿補年五十猶未甚顯、一日詣男山會雨甚艱、步、憇于石清水坂、見祠前橘樹、垂枯、題和歌曰、知波夜布流、加美能美麻倍乃、多知波奈

毛、毛呂幾毛斗毛珥、於比珥計留加奈、他日橘樹再向榮、眾樹亦俄遷藏人頭、大鏡、數歲中歷右近衛中將、至參議、公卿補任、人謂感通所致、大鏡、終於兼近江守宮內卿、公卿補任、木連、容儀閑雅、蚤有聲價、初除大學助、以父憂去職、天長八年敘從五位下、任下野介、秩滿入京、任式部少輔、承和初任右衛門佐、拜陸奥守、六年與鎮守府將軍匝瑳末守等奏言曰、伏見比來災星屢見、地震是頻、百姓多

畏變逃亡。又膽澤多賀兩城之間，異類延蔓，控弦數千。如有警急，難可支禦。要須徵發援兵，靖民赴農。矧多賀城為膽澤之後援，不益兵數，何以救急？但止奏待報，恐失機事。仍且發且奏，敕許之。明年又奏，與邑之民共稱守庚申，潰出之徒猶多，不可制止。請發援兵二千人，以候物情。許之。○按本書六年上奏文，守明年上奏書前鎮守將軍末守，蓋前後奏間，末守已解職，而本書不載其事，今無所考。尋遷左中辨。明年太上天皇崩，木連率諸府

兵入衛禁闕。十一年進從四位下，任越前守。嘉祥二年六月卒。年四十六。木連壯年自恃良家子，常欲立功名，好施異治。其行政於諸神戶，不據舊例，專貴苛察，同寮禁之，拒而不納。及病，自以為獲其譴，悔改無效。續日本後紀宗貞仕仁明帝，最得寵眷。文德實錄承和十二年敘從五位下，為左兵衛佐。尋為備前介，兼左近衛少將。續日本後紀補藏人頭。職事補任至從五位上，及帝崩，不堪哀慕，出家為僧，以求報恩。時



人愍焉。

文德實錄

改名遍照學台教於僧圓仁。

僧綱

補任續本朝往生傳

貞觀中常康親王以所居雲林院

屬遍照住焉。

扶桑略記

後任法務天台之法務始

于此。

釋家官班記

後創元慶寺為座主敕列定額

手賜度者三人以雲林院為別院元慶三年

為權僧正上表辭職優詔不許六年奏狀起

請七事一曰凡令僧綱兼任諸寺別當者例

皆以四年為秩限一曰凡諸寺度僧者其受

戒日官必遣治部玄蕃等省寮檢察押署戒

牒并捺印。

三代實錄

一曰每年諸國放生節官必

遣講讀師若部內淨行僧賣公物臨山海親

贖鳥魚。

類聚國史

一曰禁諸國百姓每至夏節流

毒於河上捕魚敕施行之。

○按自餘三事闕今無所考

仁

和元年再上表辭職又不許其秋請以近江

高島郡荒廢田百五十三町寄寺許之尋為

僧正賜宴於仁壽殿賀其七十壽明年敕曰

惟公慈仁為性保護朕躬一朝一夕賴其普

導朕所以身濟鴻業至于今日豈非公潛衛

之力自然真致耶况公之未及落飾朕之始
 在列藩推分結恩形於中表及其禪律交養
 揭為僧豪外諮俗務內宗梵行者亦有日矣
 朕俯惟同塵之契遠感利國之誠念其酬賁
 无忘監寐今別割百戶之封供其禪門之費
 亦聽駕輦車出入宮門留篤情於扶藪加隆
 遇於坐禪吁嗟至人懸解上德難名雖物外
 浮榮知非公好而人間崇飾聊寄朕懷義在
 忘言指不多及朕之蓄誠公宜悉之三代實錄寬

平二年正月卒扶桑略記年七十五一代要記皇

綱補任○按元年亨釋書作年七十四然據三

代實錄仁和元年賜七十賀之文則釋書誤

詔遣少納言今扶王於元慶寺弔之賜綿三

百屯調布百五十端令修諷誦扶桑略記世稱華

山僧正扶桑略記又稱中院僧正良僧正皇胤

紹運遍照長於和歌論者以為最得體格然

華而少實譬如對畫美人徒動人情耳古今集序

二子共為僧曰由性曰素性初例鈔○按皇胤

物語以素性為兄未知孰是又按扶桑略記

曰遍照在俗時子弘延素性二人弘延疑由

然性別名由性為少僧都任律師僧綱補任兼

藥師寺別當初例素性初仕清和帝為右近

衛將監皇胤紹亦善和歌為僧住雲林院桑扶

略記○本書曰寬平八年任醍醐帝嘗召入

書屏風賜酒命和歌與絹綿及馬西宮

大日本史卷之八十九終

